

ԿՈՎԿԱՍԻ ԺՈՂՈՎՈՒՐԴՆԵՐԻ ՊԱՏՐՈՆԻՄԻԱՆ

Պրոֆ. Մ. Օ. ԿՈՍՎԵՆ (Մոսկվա)

Պատրոնիմիա ենթ անվանել նահապետական-սոցմային կարգերին հատուկ և դասակարգային հասարակարգում գյուղական բնակչության մեջ սամր պահպանված հնադույն հասարակական ձևեր։ Այդ ձևեր մի մեծ նահապետական ընտանիքի բաժանմուն հետևանքով կազմված և միմյանց միջև տնտեսական, հասարակական ու պաշտպանական միասնությունը տարրեր չափերով պահպանված ազգակից մեծ կամ փոքր ընտանիքների խումբ է։

Պատրոնիմիան մենթ առաջին անգամ հայտնաբերել ենթ 1931 թ., ազգագրական նյութերով, մասնավորապես Հարավային Օսեթիայում մեր կատարած դաշտային դիտումների ժամանակ։ Զանազան նյութերի հիման վրա նկարագրել և բնութագրել ենթ պատրոնիմիան մեր մի շարք աշխատություններում, գրքերում, հոդվածներում ու ղեկույցումներում։ Այդ բնթացքում մեզ հետևել են մի շարք ազգագրագետներ ու պատմաբաններ, որոնք իրենց հերթին պատրոնիմիան երևան են հանել, նկարագրել և ուսումնասիրել տարրեր ժողովուրդների մեջ, տարրեր առումներով։ Կովկասի ժողովուրդների վերաբերյալ այդ արել են Ա. Ավդալը՝ քրդերի, Մ. Մ. Աղաշիրինովան՝ լեզգիների, Վ. Վ. Բարպալելիձեն՝ խևսուրների, Հ. Ա. Գուլիևը՝ ադրբեջանցիների և Ադրբեջանի թաթերի, Շ. Դ. Ինալ-Իսկան՝ արխաղների, Մ. Մ. Իսիլովը՝ լեռնական հրեաների, Լ. Ի. Լավրովը՝ արաղանների ու լակերի, Ռ. Լ. Խարաձեն՝ վրացիների, Հ. Օ. Խաչանը՝ Դաղստանի որոշ ժողովուրդների, Բ. Ա. Կալոևը՝ հյուսիս-օսերի և ագուլների, Է. Տ. Կարապետյանը և Վ. Հ. Բդոյանը՝ հայերի, Է. Լ. Կոջեսաուն՝ ադիգների, Լ. Ն. Կուժելևան՝ նոդայների, Մ. Ա. Կուրգուլովը՝ լեզգիների, Մ. Շ. Հաջիևան՝ կումիկների, Մ. Օ. Մակիտովը՝ բալկարների, Զ. Ա. Նիկոլսկայան՝ լավարների, Ա. Ի. Պերշիցը՝ կարարգինների, Ի. Մ. Սաիդովը՝ շեչենների ու ինգուշների, Զ. Ն. Վանևևը՝ հարավ-օսերի նկատմամբ։ Ներկա ակնարկում տալիս ենթ կովկասյան պատրոնիմիայի ընդհանուր բնութագրությունը, հիմնովելով մեր կողմից կամ գրական աղբյուրներից հավաքած նյութերի և, առավել մեծ չափով, վերոհիշյալ ուսումնասիրողների հավաքած նյութերի վրա։

Պատրոնիմիան Կովկասի տարրեր ժողովուրդների մեջ ունի յուրահատուկ, բնդ որում բաղմաղան անվանումներ։ Այդպիսիք են օսական, նաև քարթվելական՝ «մի կրակից (օջախից) հեռացածներ», խևսուրական՝ «մի կրակից ելածներ», ադիգական՝ «մի կրակից բաժանվածներ», կումիկական՝ «մի օջախից դուրս եկածներ», արխաղական՝ «միմյանց միջև բաժանված տուն», շեչենական՝ «մի տաս մարդիկ» և այլ նկարագրական արտահայտությունները։

Պատրոնիմիայի այդպիսի նկարագրական բնութագրման այլ կարգ են կազմում օսական ֆիդի ֆիրտի-ն («հոր ղավակներ»), ադիգական «մի տան եղբայրներ»-ը, արխաղական արխալաւ-ն («հոր որդիներ»), իմերեթական

բարուշվիլորա-ն («մի սրապից սերվածներ»), վրացական ղանակերբի-ն («բա-
ժանված եղբայրներ»), սլանական սամխուր-ը կամ լամխուր-ը («եղբայրու-
թյուն»), լեզգիական միբեսար-ը՝ մուֆրվալ միբեսար (մերձավոր ազգական-
ներ՝ եղբայրների և հորեղբոր որդիների գավակներ) և յարդրալ միբեսար
(ավելի հեռավոր ազգականներ) տարբերակումներով:

Դրան զուգահեռ, Կովկասի որոշ ժողովուրդներ պատրոնիմիան նշում են
առանձնահատուկ տերմինով. քրդերը՝ բար, հայերը՝ ազգ, ադիգները՝ խարլ-
կաբարդինները՝ լոնսլե, լակերը՝ ուսուրսու (այդ բոլոր տերմինների ստուգա-
րանական նշանակությունը ճշգրտորեն չի համաստված):

Վերջապես, Կովկասի մի շարք ժողովուրդներ պատրոնիմիան նշելու հա-
մար օգտագործում են այլալեզու (իրանական, արարական, թուրքական, մոն-
ղոլական) շատ տերմիններ, որոնք համապատասխան լեզուներում նշանակում
են առհասարակ ազգակցական խումբ կամ, իր կարգին, հատկապես պատրո-
նիմիա:

Ինչպես գիտենք, պատրոնիմիայի յուրահատուկ գիծն այն է, որ նա կազմը-
վում է մի մեծ ընտանիքի տրոհմամբ կամ բաժանմամբ: Պատրոնիմիայի հենց
նման ծագումն են ուղղակիորեն ցույց տալիս վերոհիշյալ անվանումներից մի
քանիսը, ինչպես՝ «մի կրակից հեռացածներ», «մի տան եղբայրներ» և այլն:
Կովկասի ժողովուրդների պատրոնիմիան կազմվել է մեծ կամ փոքր, կամ էլ
միաժամանակ թե՛ մեկ և թե՛ մյուս ընտանիքներից: Բալկարների պատրոնի-
միան գեոևս ոչ վաղ անցյալում կազմված է եղել մեծ և փոքր ընտանիքնե-
րից, բայց ետնագույն շրջանում մեծ ընտանիքներ այլևս չէին հանդիպում:
Մի պատրոնիմիայում ընտանիքների թիվը կարող է լինել երեք-հինգից մինչև
մի քանի տասնյակ: Պատրոնիմիա կազմվելու և նրա ընդլայնման արտահայ-
տիչ օրինակ է բերում է. Տ. Կարապետյանը¹, նկարագրելով մի հայ «ազգի»
ձյուղագրությունը XVIII դարի սկզբից մինչև օրս: Ընտանեկան համայնքը և
պատրոնիմիան, ինչպես վկայում է Վ. Վ. Բարդավելիձեն, խնամուրները հասա-
կորեն սահմանազատում են որոշակի տերմիններով:

Կովկասյան նյութով լավ է հետազոտվում բուն պատրոնիմիայի ընդլայն-
ման և ձյուղավորման բնթացքը: Պատրոնիմիայի մեջ մտնող առանձին ըն-
տանիքները բազմանում, աճում են, տրոհվում կամ բաժանվում և որպես
հետևանք, իրենց հերթին սկիզբ դնում պատրոնիմիաների: Այդպիսով, տվյալ
պատրոնիմիայի կազմում առաջանում են նոր, մատղաշ պատրոնիմիաներ:
Այս պատրոնիմիաները, որպես ընդհանուր կանոն, պահպանելով իրենց
միասնությունը, ապրում են համահավաք, միաժամանակ էլ, օգնելով միմյանց,
չեն կտրվում հին պատրոնիմիաներից: Լոկալիզմ ու ժամանակներում, և այն՝
դիսկրիմինացիան, հատկապես սակավահոգության աճմամբ, նորելուկ պատրո-
նիմիաները անջատվում են և վերաբնակվում ռզատ տեղերում, այդուհանդերձ
չկորցնելով կապը իրենց տոհմակիցների հետ: Արդյունքը այն է, որ մենք
Կովկասում ունենք տարբեր չափի ու տարբեր կազմի պատրոնիմիաներ՝ փոքր
և մեծ, նույնպես կազմված մի քանի պատրոնիմիաներից: Այսպես, ավար-
ների մեջ մենք գտնում ենք ազգակից ընտանիքների ոչ մեծ խումբ, որն ան-

¹ է. Տ. Կարապետյան, Տոհմային հարաբերությունների մի քանի վերապրուկներ
հայերի մեջ, Զեկուցում, կարդացված հնադեպերի ու ազգագրագետների Համաժողովին
գիտական սեսիայում (Մոսկվա, 1962 թ. ապրիլ):

վանվում է ցո ռուֆալուլ ղաղամսուլ («մի տան մարդիկ»), և ավելի ընդարձակ ազգակցական խումբ՝ իլբիլ, «արմատ» (որը երբեմն նշվում է նաև իրանական քոխում («սերմ») տերմինով): Հայերի մեջ զանազանվում են՝ մեծ պատրոնիմիան՝ ազգ, սրա կազմում մտնում են փոքր խմբավորումներ, որոնք կոչվում են քաբուն կամ քիրա, իսկ ամենափոքր պատրոնիմիան բիձոնֆ են («հորեղբայրների խումբ»): Արխաղների մեջ զանազանվում են աբիպարա-ն («հոր որդիներ») և ավելի լայն ազգակցական շրջանակը՝ ածվա-ն («սերմ»): Կումիկները զանազանում են թուխումի կամ պատրոնիմիայի երկու տեսակ՝ խովուկ-քուխումը («մերձավոր թուխում»)՝ մերձավոր ազգակիցների խումբ, և յիրակ-քուխումը («հեռավոր թուխում»)՝ հեռավոր ազգակիցների խումբ: Իր մեջ ավելի փոքր պատրոնիմիաներ ընդգրկող ընդարձակ պատրոնիմիայի ձևը կարելի է կոչել երկրորդ կարգի պատրոնիմիա:

Պատրոնիմիայի բուն ծագումն իսկ մի ընտանիքի բաժանից պայմանավորում է այն, որ պատրոնիմիան սկզբունքորեն տեղափակված է: Պատրոնիմիան Կովկասում անցյալում սովորաբար զբաղեցրել է առանձին գյուղ: Հառավային Օսեթիայում հեռավոր անցյալում յուրաքանչյուր պատրոնիմիա ապրել է մեկուսացած, կազմելով մի գյուղ՝ Բաու: Նման «համագերդաստան» բնակավայրերը տեղ-տեղ, հատկապես լեռնային շրջաններում, պահպանվել են մինչև այժմ: Ադրբեջանում ներկայումս էլ կան առանձին փոքր գյուղակներ՝ 20—40 ծխանոց, որոնք բնակեցված են բացառապես ազգակիցներով: Կովկասում մեծ պատրոնիմիան երբեմն ապրել է մի քանի ոչ մեծ կից գյուղերում կամ գյուղակներում: Վերջապես, ավելի ուշ ժամանակներում, պատրոնիմիան մեծ մասամբ գյուղում զբաղեցրել է առանձին թաղ: Ոչ մեծ պատրոնիմիկ գյուղը անցյալում ըստ երևույթին եղել է Կովկասի ժողովուրդների բնակավորման հիմնական տեսակը:

Պատրոնիմիկ թաղերը, այսինքն՝ մի պատրոնիմիայով կամ առհասարակ ազգակիցներով բնակված թաղերը, Կովկասի որոշ ժողովուրդների մեջ շատ կայուն են պահպանվել: Այդպիսի թաղը Կովկասի տարբեր ժողովուրդներ կոչել են քոխում, ավուլ, խաբլ, մեհլե (մեհելե) և այլն: Կարաչայների ամեն մի թաղում, օրինակ, դեռևս XX դարի սկզբին, ըստ ընդհանուր կանոնի, բնակեցված է եղել միայն մեկ «դերդաստան», որի անվամբ էլ նա կոչվել է: Նույնը սովորական երևույթ է եղել նաև Դաղստանում: Վրաստանի ազգագրությունը, ըստ տարբեր շրջանների, մի մեծ ընտանիքի բաժանիքի հետևանքով գոյացած թաղերի շատ օրինակներ է տալիս, ըստ որում թաղը պահպանել է հախասկզբնական ընտանիքի անվանումը:

Մյուս կողմից՝ թաղերը հաճախ բաղկացած էին միմյանց ազգակից ոչ մեծ պատրոնիմիաներից: Այսպես, Ադրբեջանում, Դուբայի շրջանում, թաթերի Դարա Չիչի գյուղում մինչև օրս պահպանվել է ութ թաղ (մեհելե), որոնք ընդգրկում են 32 քայֆա կամ էվլադ և կրում են պատրոնիմիկ անվանումներ՝ Աղասի, Ջաֆարի, Սաֆերի, Մուլալի, Ռաման-էվլադի և այլն: Իրանալեզու Հահիճ գյուղում նույնպես պահպանվել է ութ թաղ, որոնցից յուրաքանչյուրում կա չորսից-հինգ ընտանիքից կազմված ընդհանուր ազգանուն կրող մինչև 10—15 պատրոնիմիա: Այդ գյուղում եղել է ութ մզկիթ և մեկ ընդհանուր՝ «ջու-

- И. О. Ш у к и н, Материалы для изучения карачаевцев, «Русский антропологический журнал», 1913, 1/2.

մա-մեչետ»։ Ամեն թաղ ունեցել է իր սեփական գերեզմանոցը, այդ գերեզմանոցում ամեն պատրոնիմիա՝ իր տեղը։ Ամեն թաղ ունեցել է իր աղբյուրը կամ ջրհորը և իր ընդհանուր «սուրբը»։

Ժամանակի ընթացքում թաղերը կորցրել են իրենց բացառապես պատրոնիմիկ բնույթը, և տվյալ թաղում երևան են եկել մեկ կամ մի քանի տարբեր պատրոնիմիաներ։ Նման դեպքերում նրանք հանդես են բերել զարմանալի կայունություն՝ պահպանելով իրենց ինքնամոփոփությունը և տեղափակվածությունը։ Պատրոնիմիայի առանձնահատկություններից մեկը առանձին տեղի, հրապարակի առկայությունն է՝ ընդհանուր գործերի քննարկման և վճռման համար։ Այսպես, յոթ թաղից կաղմված լեզգիական Կուրախ գյուղում պատրոնիմիայի ինքնամոփոփությունը հստակորեն դրսևորվում է նրանով, որ հինգ թաղում, որոնցից ամեն մեկը մի պատրոնիմիա է զբաղեցրել, համապատասխանորեն կար նշված բնույթի հինգ հրապարակ, իսկ մյուս երկու թաղում, որոնցում ապրում էր շորս թոխում, կար շորս թոխումային հրապարակ և, դրանցից բացի, ևս երկու համաթաղային։ Գոյություն է ունեցել նաև ամբողջ գյուղի հատուկ հրապարակը։ Ընդհանուր առմամբ Կուրախ գյուղում եղել է տասներկու հրապարակ³։ Պատրոնիմիայի այդ առանձին հրապարակները մի գյուղում, մասամբ՝ ընդհանուր թաղերում ապրող պատրոնիմիաների պահպանված ինքնամոփոփության հատկանշական ցուցանիշներն են։ Նթե խախտված է պատրոնիմիայի տեղափակվածության միասնությունը գյուղում, ինչպես այդ նկատվում է Հայաստանի լեռնային վայրերում, և մի աղբյուրն տանիքները այս կամ այն չափով ցրված են ապրում, ապա սար գնալիս, ամառային արոտավայրերում, բոլոր աղգակից ընտանիքները զարմանալիորեն համատեղ են քոչում և իրենց տնակները սարքում են կողք-կողքի։

Կովկասի որոշ ժողովուրդների, հատկապես Դաղստանի ժողովուրդների մեջ հստակորեն դիտելի է այն պրոցեսը, ըստ որի մի պատրոնիմիայից բաղկացած մի քանի մանր գյուղակները միանալով դարձել են մի գյուղ, որտեղ ամեն մի պատրոնիմիա դրավել է առանձին թաղ։ Նման միացման պատճառները ժողովրդական ավանդություններում սովորաբար բացատրվում են պաշտպանական նկատառումներով, սակայն այդ բացատրությունը բավարար չէ։

Թաղի կապը պատրոնիմիայի հետ դրսևորվում է նրանով, որ երբեմն նույն տերմինը նշանակում է և՛ պատրոնիմիա, և՛ թաղ։ Այսպես, աղիգական խաբլը նշանակում է աղգակցական խումբ՝ պատրոնիմիա, ոչ մեծ գյուղ, գյուղակ և միաժամանակ՝ «թաղ»։ Դաղստանում հաճախ րոխում տերմինով նշել են թե՛ պատրոնիմիան, թե՛ թաղը։ Առկա տերմինը ունենալով աղգակցական խմբի արմատական իմաստ և նշանակելով պատրոնիմիա, ծառայել է «թաղ», ինչպես և «գյուղ» (նոդայների, կումիկների, ավարների և ուրիշների մոտ) նշանակող տերմին։ Մյուս կողմից, թաղերը հաճախ կրել, և մինչև այժմ էլ կրում են իրենց նահապետի կամ հիմնադրի անվամբ կաղմված աղգակցական պատրոնիմիկ անվանումները, որոնք պահպանվել են այն բանից հետո էլ, երբ թաղերը կորցրել են իրենց դուռ աղգակցական բնույթը։ Հատկանշական է, որ

³ Աղբյուրներն վերաբերող տվյալները հիմնված են Հ. Ա. Գուլիևի անձնական հաղորդումների վրա։

⁴ С. С. Агаширинова, Поселения лезгин в XIX—начале XX вв., *ձեռագիր՝ մեղադրված հեղինակի կողմից՝ Հմմտ.* Л. В. Панек, Жилище лезгин, «Материалы по этнографии Грузии», IX, Тбилиси, 1957.

Բաղստանում գյուղը անցյալում հաճախ բաղկացած է եղել զույգ թվով պատրոնիմիա-թաղերից (դրա վերապրուկները երբեմն այժմ էլ պահպանվում են)։

Լակերի յուրաքանչյուր գյուղում սովորաբար եղել է չորս թաղ։ Կումիկական Ակսան գյուղում եղել է ութ թաղ կամ առանձին «աուլ»։ Ավարական Չոխ աուլը, ըստ ավանդության, կազմվել է 12 փոքր գյուղից և ունեցել է 12 թոխում։ Այդ գյուղը բաժանված է եղել երկու մասի՝ «վերին աուլ», կազմված էր երեք ավալից՝ թաղից, և «ներքին աուլ», կազմված էր երեք ավալից։ Ավարական Անդի գյուղը բաղկացած է եղել երեք հատակորեն զանազանվող մասից՝ «վերին ավալից», «ներքին ավալից» և «վրացական ավալից», կազմված գյուղում բնակեցված գերի վրացիներից։ Այսպիսով, սկզբնապես այդ գյուղն ունեցել է երկու թաղ։ Եւ հաստատվում է նրանով, որ հնում գյուղում եղել է երկու աշտարակ։ Ավարական Ջարի գյուղը (Հյուսիսային Ադրբեջանում) այժմ էլ բաղկանում է յոթ-ութ թաղից, յուրաքանչյուրը կազմված մի քանի թոխումից⁵։ Ավարցի-բագուլաների Քվանդա գյուղը առաջացել է չորս գյուղակից, որոնցից յուրաքանչյուրում բնակվել է մի ազգակցական խումբ (դիսյ), և ունեցել է չորս թաղ։ Պրանք կրել են նույն անվանումները, ինչպիսիք ունեցել են նախասկզբնական չորս գյուղակում ասորող ազգակցական խմբերը։ Ավարցի-բեժետների Թլյալալ գյուղը բաղկացել է երկու ավալից՝ «վերին» և «ներքին», ըստ որում նրանցից յուրաքանչյուրում եղել է երեք թաղ-պատրոնիմիա։ Ավար-դի-կարատների Կարատա գյուղը կազմվել է չորս գյուղակից, որոնցից յուրաքանչյուրում ասորել է մեկ ազգակցական խումբ⁶։ Ինչպես մենք տեսանք, ադրբեջանական Բարա Չիլի և Լահիճ գյուղերից յուրաքանչյուրը մինչև օրս էլ բաղկացած է ութ թաղից։

Այսպիսով, կովկասյան սրոշ գյուղեր երևան են հանում անցած կամ դեռևս ինչ-որ չափով պահպանվող բաժանումը երկու մասի, որոնցից ամեն մեկը բաղկացած է երկու կամ առհասարակ զույգ թվով թաղ-պատրոնիմիաներից։ Գյուղի նման կառուցվածքը հիմք է տալիս այստեղ տեսնելու հնագույն դուալ բաժանման մնացուկ⁷։ Նկատենք, որ նկարագրված երևույթը ամենից հաճախ դիտվում է միայն քայքայված վիճակում, որը միանգամայն բնական է նման խիստ հնագույն ձևի համար։

Երբ պատրոնիմիան գրավել է մի թաղ կամ առհասարակ տեղափակված է եղել, առանձին ընտանիքների տները հաճախ սերտորեն հարկել են մեկը մյուսին, այնպես որ պատրոնիմիայի բոլոր տները կազմել են միասնական ճարտարապետական կոմպլեքս։ Բալկարների մոտ, օրինակ, 8—12 ընտանիքից բաղկացած մի պատրոնիմիայի բնակարանները տեղադրված են եղել կոմպակտ կերպով, մեկը մյուսի մոտ, ըստ որում բոլորը, կամ գրեթե բոլորը, եղել են մի կտորի տակ։ Նման բնակելի կոմպլեքսներում հարևան տների պատերը (բալկարների, քրդերի, հայերի և այլոց) ունեցել են հատուկ քառակուսի անցքեր, լուսապատուհանի նման (հայերն այն կոչում են ակնատ), որոնք պատրոնիմիայի ընտանիքների միջև կապ պահպանելուն են ծառայել։ Այդ անց-

5 Հ. Ա. Գուլիևի անձնական հաղորդումը։

6 Բագուլաներին, բեժետներին և կարատներին վերաբերող տեղեկությունները վերցնում ենք հնագույն Ն. Մ. Շիրինգի ձեռագիր նյութերից, որոնք պահվում են Մոսկվայի ՄՍՌՄ ԳԱ Ազգագրության ինստիտուտի արխիվում։

7 Տե՛ս «Дуальная организация» ակնարկը մեր «Этнография и история Кавказа, Исследования и материалы» (М., 1961) գրքում, էջ 26—32։

Հանդես. № 1

քերը... «խոսում են անմիջական հարեանների միջև անցյալում դոյություն ունեցած սերտ տնտեսական և, ամենայն հավանականությամբ, նաև ազգակցական կապերի մասին»⁸։ Ազիզների, արխաղների, ավարների և կովկասյան մյուս ժողովուրդների մեջ նույն նպատակին են ծառայել մի պատրոնիմիայի բաղկերի միջև եղած հատուկ սողանքները։ Նման պատրոնիմիկ թաղի ամբողջական պատկերացում է տալիս մոխեններին վերաբերող նյութը, ուր նշված սողանքը արտահայտվում է բառի տերմինով։

Պատրոնիմիայի հիմնական գիծը նրա տնտեսական միասնությունն է։ Անցյալում, որքանով հնարավոր եղավ պարզել, հողը եղել է պատրոնիմիայի կոլեկտիվ սեփականություն։ Ավարների մեջ հողը մանր պատրոնիմիաներին բաժանելիս, մի հողամաս մնացել է ավելի ընդարձակ պատրոնիմիայի՝ Բըի-բիլ-ի տիրության ներքո։ Մի ժամանակ հողի մշակումը ևս կատարվել է կոլեկտիվ կերպով՝ ամբողջ քրիրիով։ Ավարների, ինչպես նաև Կովկասի շատ ուրիշ ժողովուրդների մեջ, կոլեկտիվ արտադրության վերապրուկները կազմել են շատ տարածված դանազան դյուղատնտեսական սովորույթներ. օրինակ, դյուղատնտեսական բոլոր աշխատանքները՝ դանքը, հերկը, բերքահավաքը, խոտհունձը բոլոր ազգակիցները սկսում էին միևնույն օրը։ Որտեղ արհեստական ոռոգում է եղել, այնտեղ պատրոնիմիկ մեծ խմբերը հանդիսացել են ջրամատակարարման և ջրօգտագործման կազմակերպիչներ, ըստ որում յուրաքանչյուր պատրոնիմիա ջրից օգտվել է հերթականությամբ։

Պատրոնիմիաներին հատկացված հողը մերթ ընդ մերթ վերաբաժանվել է։ Այսպես, կարարդիներին մեջ ամբողջ հողը բաժանված է եղել ըստ խաբլ-ների, սակայն 10—15 տարին մի անգամ վերաբաժանվել է։

Երբ պատրոնիմիաները կազմել են դյուղի առանձին թաղերը, մշակվող ամբողջ հողի տերը եղել է դյուղը կամ դյուղական համայնքը, իսկ թաղ-պատրոնիմիաները ստացել են հողանդակներ (наделы), որոնք պարբերաբար վերաբաժանվել են։ Պատրոնիմիաների ընտանիքների տնամերձ հողամասերը վաղուց ի վեր կազմել են ամեն մի ընտանիքի առանձին սեփականություն։ Ժամանակի ընթացքում հողի կոլեկտիվ տիրապետումը պատրոնիմիայի շրջանակներում սկսել է քայքայվել։ Դա, սակայն, սկզբում վերաբերել է միայն վարելահողին։ Այն սկսել է բաժանվել ըստ ընտանիքների կամ «տների» նույնպես պարբերաբար վերաբաժանվելով։ Ազիզների մեջ վարելահողերը հնում գտնվել են ընդհանուր առմամբ պատրոնիմիայի անբաժան տիրության ներքո, բերքը մտել է ընդհանուր շտեմարանը և ապա բաժանվել ընտանիքներին։ Բերքի որոշ բաժին հանդիսացել է պատրոնիմիայի անձեռնմխելի սեփականությունը և ծախսվել է միայն ամբողջ պատրոնիմիայի կարիքի կամ նրա ընտանիքներից մեկի ազրատանալու դեպքում։ Ժամանակի ընթացքում ազիզների մոտ վարելահողը սկսել է բաժանվել ըստ ընտանիքների։ Ինչպես ասվեց, հողը, մասնավորապես վարելահողը տոհմի շրջանակներում վերաբաժանման է ենթարկվել ըստ պատրոնիմիաների, սակայն պատրոնիմիաների ներսում ըստ ընտանիքների վերաբաժանումների կատարվել են ավելի հաճախ։

⁸ С. Д. Лисицян, Из материалов по изучению жилищ Армении, I. Крестьянское жилище Мегринского района, «Известия Кавказского историко-археологического института», Тифлис, 1927, VI.

⁹ Р. Харадзе, Грузинская семейная община, Тбилиси, 1961, հատ. II, էջ 60—62.

Ավելի ուշ, քան վարելահողերը, սկսել են ըստ ընտանիքների բաժանման ենթարկվել համապատրոնիմիական հողի մյուս տեսակները՝ խոտհարքները, արոտները և սակավ արդյունավետ օգտագործվող հանդերը։ Նշված պրոցեսը բավական հստակորեն է դրսևորվում Հարավ-Օսեթիայի անցյալում։

Արտը Հարավ-Օսեթիայում վաղուց արդեն բաժանված է եղել ընտանիքների միջև։ Մի պատրոնիմիայի ընտանիքներին պատկանող հողակտորները սովորաբար առկից են եղել, այնպես որ սովյալ ամբողջ պատրոնիմիայի ընտանիքների արտերը մի հողամաս են կազմել՝ ամբողջ վարելահողի երբեմնի պատրոնիմիկ ընդհանրության պարզ վերապրուկ։ Որոշ վայրերում գեռև XIX դ. վարելահողը մշակվում էր կոլեկտիվ կերպով՝ ամբողջ պատրոնիմիայի կողմից, իսկ բերքը բաժանվում էր ըստ ընտանիքների՝ զրանցում եղած շնչերի թվի հաշվով։

Ինչ վերաբերում է խոտհարքներին, ապա վաղ անցյալում դրանք բոլորով կամ գտնվել են գյուղի (երբեմն աղգակից գյուղերի խմբի) տիրության ու օգտագործման ներքո (այսինքն, հավանաբար, ամբողջ տոհմի տիրության և օգտագործման ներքո), կամ բաժանված են եղել ըստ պատրոնիմիաների։ Ավելի ուշ ժամանակներում խոտհարքների տիրությունը և օգտագործումը ունեցել է եռակի ձև։ Անմիջապես գյուղի տերիտորիային հարող խոտհարքները բաժանված են եղել ըստ ընտանիքների, ավելի հեռավորները՝ ըստ պատրոնիմիաների, իսկ ամենահեռավոր հողամասերը թողնվել են ամբողջ գյուղի կոլեկտիվ օգտագործմանը։ Այս վերջին հողամասերը նույնպես ունեն իրենց պատմությունը։ Ավելի վաղ ժամանակներում խոտն այստեղ հնձել ու հավաքել են ամբողջ գյուղով, իսկ բաժանել՝ ըստ պատրոնիմիաների։ Ավելի ուշ ժամանակներում պատրոնիմիաները, կամ ընտանիքները, խոտը հնձել և հավաքել են հերթով, ամեն մեկն իր համար։ Ըստ որում արվել է հավաքած խոտի հավասարեցման հաշիվ։ Ինչ վերաբերում է պատրոնիմիաներին բաժանած հողամասերին, ապա այստեղ կամ կոլեկտիվորեն հնձել են և խոտը բաժանել ըստ ընտանիքների, կամ ամեն մի ընտանիք հնձել է ինչքան իրեն պետք է եղել, կամ էլ, վերջապես, մի տարի հնձել է սովյալ պատրոնիմիայի մի ընտանիքը։ Հաջորդ տարին՝ մեկ ուրիշը և այլն։ Նոր ժամանակներում խոտհարքների այդ հողամասերը ևս սկսել են բաժանել ոչ թե ըստ պատրոնիմիաների, այլ ըստ ընտանիքների։

Վերջապես, արոտավայրերը, որպես ընդհանուր կանոն, մինչև վերջին ժամանակները թողնվում էին ամբողջ գյուղի, հաճախ աղգակից գյուղերի խմբի, կոլեկտիվ օգտագործմանը։ Նստազույն երևույթ է արոտավայրերի բաժանումը ըստ պատրոնիմիաների, և բացառություն (որը չուրահատուկ էր հարուստ տնտեսությանը)՝ արոտավայրը ծխի տիրության ներքո գտնվելը։

Պատրոնիմիայի կոլեկտիվ սեփականություն է հանդիսացել տնային անասունը։ Դրա վերապրուկն է համարվում այն, որ ավարների մեջ, օրինակ, երբ արդեն անասունը անձնական, ավելի փշտ ընտանեկան սեփականություն էր, առանձին տներում անասունների համար հատուկ շենքեր չեն եղել, պատրոնիմիայի բոլոր անասունները պահվել են գյուղի ծայրին գտնվող ընդհանուր գոմերում։ Քրդերի մեջ ամբողջ պատրոնիմիան, կամ պատրոնիմիայի մի քանի տուն, ունեցել են ընդհանուր հոտ և պահել ընդհանուր հովիվներ։ Ըստ որում համատեղ էլ վերամշակել են կաթը։

Անասունի կոլեկտիվ սեփականության գոյությունն մեկ այլ վկայություն է պատրոնիմիկ խարանը: Նոդայների ամեն մի թայփա-պատրոնիմիա ունեցել է իր խարանը, ըստ որում ամբողջ տոհմը ունեցել է այնքան խարան, որքան պատրոնիմիա է եղել նրանում:

Ամբողջ պատրոնիմիայի ընդհանուր սեփականությունն են կազմել նաև մրդատու աշգիները և տվյալ պատրոնիմիային պատկանող ամեն ոք կարող էր ընդհանուր աշգուց միրդ վերցնել: Պատրոնիմիայի ընդհանուր տիրության և օգտագործման ներքո են գտնվել ջրաղացը, հացահատիկ չորացնելու և հաց թխելու վառարանը և այլն: Աղիղների աշգպիսի վառարանը շինել են պատրոնիմիայի կանայք, կոլեկտիվ կերպով, ընտանիքներից մեկի տնամերձում, և աշգ վառարանից հետագայում օգտվել են տվյալ պատրոնիմիայի բոլոր ընտանիքները:

Պատրոնիմիայի կոլեկտիվ սեփականության տարրերը, Մ. Ս. Մակիտովի նկարագրության համաձայն, բաղկարների մեջ գետ վերջերս էլ կենդանի են եղել: Մի պատրոնիմիայի ընտանիքները օգտվել են ընդհանուր բանող անասունից և գյուղատնտեսական գույքից, ըստ որում միմյանցից վերցրել են այն ամենը, ինչ հարկավոր է եղել:

Պատրոնիմիայի երբեմնի կոլեկտիվ սեփականության վերապրուկ կարելի է համարել այն կարգը, ըստ որի կարարղիներին մեջ թույլատրված է եղել կարիքի դեպքում, առանց հարցնելու, երամակից առժամանակ վերցնել իր պատրոնիմիայի անդամի նժույգը:

Պատրոնիմիայի տնտեսական միասնության արտահայտություն է եղել փոխօգնությունը տվյալ պատրոնիմիայի ընտանիքների միջև: Այդ գիծը առանձնապես կայուն կերպով է պահպանվել Կովկասի բոլոր ժողովուրդների կենցաղում նույնիսկ այն ժամանակ, երբ պատրոնիմիան արդեն խոր քայքայում է ապրել: Փոխօգնությունը արտահայտվել է նրանով, որ պատրոնիմիայի բոլոր ընտանիքները անպայմանորեն օգնության էին գալիս այն ժամանակ, երբ ընտանիքներից մեկը ձեռնարկում էր որևէ աշխատանք, որի կատարման համար մի ընտանիքի ուժը բավական չէր, օրինակ՝ տուն շինելը կամ վերանորոգելը, խոշոր ծախսերում՝ հարսանիք, թաղում ու հոգեհաց և այլն: Փոխօգնությունը տարածվում էր նաև ավելի լայն ազգակցական խմբի վրա. բայց այն դեպքում, երբ հեռավոր ազգակիցները օգնում էին ըստ ցանկության, պատրոնիմիայի անդամների օգնությունը պարտադիր էր կամ կատարվում էր առաջին հերթին:

Ավելի ուշ ժամանակներում, զրամական հարաբերությունները կենցաղ թափանցելու հետ, պատրոնիմիայի փոխօգնությունը տեղի է ունեցել զրամական դժվարությունների դեպքում:

Չափազանց ուշադրով ցուցում ենք գտնում Մ. Ս. Մակիտովի նշումներում: Բաղկարների պատրոնիմիաներում գոյություն է ունեցել աշխատանքի լուրօրինակ բաժանում՝ տվյալ պատրոնիմիայի որոշ ընտանիքներ ոչխար են արածացրել, մյուսները՝ կով, ըստ որում հենց նրանք էլ կթել են կովերը և վերամշակել կաթը, երրորդ ընտանիքները կատարել են գյուղատնտեսական այլ աշխատանքներ՝ վար, հունձ, վառելիքի պատրաստում և տեղափոխում, բնակելի շենքերի նորոգում և այլն: Պատրոնիմիայի ավագ ընտանիքը և նրա ղլխավորը զբաղվել են գյուղատնտեսական մթերքների վաճառքով և այն տմեկնի ձևով բերմամբ, ինչը չէր բավարարում պատրոնիմիային: Այսպիսով, պատ-

րոնիմիայի գլխավորը ոչ միայն օժտված էր հասարակական որոշ իշխանությամբ, այլև պատրոնիմիայի հաշվին զրադվելով առ ու ծախով, իր ձեռքում էր պահում նրա ամբողջ տնտեսությունը. նրա ընտանիքը աստիճանաբար մյուսներից հարստանում քր, մինչդեռ հովիվների, նախրապանների և այլոց ընտանիքները աղքատանում էին: Նկարագրած կարգերը, հետևաբար, բաղկարական պատրոնիմիայի միջավայրում հանդիսանում էին զույգային անհավասարության առաջացման սկզբնաղբյուրներից մեկը:

Կովկասյան պատրոնիմիայի մասին այժմ գոյություն ունեցող ոչո գրականության մեջ բոլորովին չլուսարանված են մնում պատրոնիմիայի քայքայման վիճակին առանձնապես ներհատուկ իրավարանական ինստիտուտների և նորմերի, մասնավորապես՝ հողի կարգավորման մի քանի նորմերի, ժառանգական իրավունքի առանձին դրույթների, նախրնտրելի գնման ու տոհմային փրկազնման իրավունքների և այլ հարցեր:

Միայն է. Տ. Կարապետյանն է հաղորդում¹⁰, որ իր կողմից ուսումնասիրված վայրի (Նոյեմբերյանի շրջան) հայերի մոտ պատրոնիմիայի շահագործվող հողը թեև բաժանված էր ըստ ընտանիքների և գտնվում էր նրանց ժառանգական տիրության ներքո, այն շարունակում էր համարվել ամբողջ պատրոնիմիայի՝ ազգի ընդհանուր սեփականությունը: Առանձին ընտանիքները իրավունք չունեին վաճառելու իրենց հողաբաժինները՝ առանց ամբողջ ազգի համաձայնության: Հողի վաճառքը առանց այդպիսի համաձայնության կարող էր վիճարկվել ազգի ամեն մի անդամի կողմից: Եթե որևէ ընտանիք մահանում էր, ապա նրան պատկանող հողաբաժինը անցնում էր մերձավոր ազգակից ընտանիքներին, որոնք այդ հողը հավասար բաժին էին անում միմյանց միջև:

Պատրոնիմիայի հասարակական միասնությունը: Պատրոնիմիաները լինում էին տարբեր չափերի, բայց այն որքան բաղմամարդ, նույնքան ուժեղ էլ լինում ինչպես տնտեսական, նույնպես և հասարակական տեսակետից: Պատրոնիմիան ունենում էր իր վարչությունը, որի մարմիններն էին՝ պատրոնիմիայի ընդհանուր ժողովը, պատրոնիմիայի խորհուրդը և ամբողջ պատրոնիմիան գլխավորող ավագը: Ընդհանուր ժողովի համար գյուղում, եթե այն եղել է «միագերդաստան», կամ թաղում գոյություն է ունեցել հատուկ տեղ: Ժողովների այդպիսի հատուկ տեղերը կամ այդպիսի հրապարակները Կովկասի մի շարք ժողովուրդների մեջ պահպանվել էին մինչև վերջին ժամանակներս:

Պատրոնիմիայի խորհուրդը բաղկացած էր առանձին ընտանիքների գլխավորներից: Ամբողջ պատրոնիմիայի գլխավորը սովորաբար եղել է պատրոնիմիայի ավագ ընտանիքի ավագը: Կարարդիւնների պատրոնիմիայի ավագը՝ Նահիմը, եղել է շատ հարգված և հեղինակավոր դեմք, որի հետ անհրաժեշտ էր խորհրդակցել տվյալ պատրոնիմիայի ընտանիքների կյանքի բոլոր կարևոր հարցերում: Նա էլ դատավոր է հանդիսացել առանձին ընտանիքները միջև ծագած վեճերում: Նրան չանցալու համար ազգականները մեղավորին կարող էին ծեծել կամ նույնիսկ դուրս հանել գյուղից: Նրբագիտների որևէ ընտանիքում եղ, կով կամ ոչխար էին մորթում, ապա գլուխը (որը համարվում էր կենդանու ամենից «պատվավոր» մասը) ուղարկում էին պատրոնիմիայի ավագին: Նրա մոտ էր հավաքվում պատրոնիմիայի խորհուրդը, եթե այն (ինչ-

¹⁰ Տե՛ս է. Տ. Կարապետյանի վերոհիշյալ գեկուցումը:

պես ազիգների մեջ) տեղի չէր ունենում տվյալ պատրոնիմիայի սուրբ ծառի մոտ: Ծիշտ այդպես էլ բալկարների մեջ պատրոնիմիայի բոլոր կարևորագույն ընդհանուր գործերը քննարկվում և վճռվում էին պատրոնիմիայի ամենից ավագ և ազդեցիկ դեմքի տանը, նրա անմիջական ղեկավարությամբ:

Պատրոնիմիայում մեծ հեղինակություն էր վայելում նաև ավագի կինը: Հարավ-օսերի մոտ պատրոնիմիայի ավագ կինը՝ հիստեր-ուսը խաղում էր ոչ փոքր տնտեսական և հասարակական դեր: Շափսուղների պատրոնիմիայի ավագ կինը կոչվել է բըսըմ դուաշչն, «տան իշխանուհի»: Խորհրդի համար նրան են դիմել պատրոնիմիայի բոլոր կանայք, պատրոնիմիայի ամեն ընտանիքում նա է եղել գլխավոր տնտեսուհի-կառավարչուհին՝ հարսանիքի, թաղման, հոգեհացի և այլնի ժամանակ:

Կառավարման վերը նկարագրված մի շարք մարմինները և տարրերը գոյություն են ունեցել նաև ավելի լայն ազգակցական խմբում, քան պատրոնիմիան է, սակայն թույլ արտահայտված և սակավ գործունե են եղել:

Պատրոնիմիայի հասարակական միասնությամբ է որոշվել զանազան ձևերով ու առնչություններում արտահայտված նրա համերաշխությունը: Հեռավոր անցյալում առաջին հերթին և գերազանցապես հենց պատրոնիմիային է պատկանել վրիժառության իրավունքը ինչպես ներգործական, նույնպես և կրավորական առումներով: Այլ կերպ ասած, պատրոնիմիայի բոլոր անդամները պարտավոր են եղել վրիժառու լինել նրա անդամներից մեկին հասցրած վիրավորանքի համար և առանց տարբերության պատրոնիմիայի բոլոր անդամների վրա է ընկել որևէ օտարականի՝ նրա անդամներից մեկի կողմից հասցրած վիրավորանքի վրեժը: Համապատասխանորեն կարգավորվել են հարաբերությունները քրեական տուգանքը հատուցելիս կամ ստանալիս: Նոդայների մեջ տվյալ թայփա-պատրոնիմիայի անդամի սպանության համար պարտադիր կարգով վրիժառու պետք է լինեն այդ նույն թայփայից որևէ մեկը և միայն այն դեպքում, երբ այդ թայփայից ոչ ոք չէր կարող վրեժը հանել, վրիժառության պարտականությունը անցնում էր համապատասխան տոհմի անդամներին: Ընդհանուր առմամբ, Կովկասի տարբեր ժողովուրդների մեջ տարբեր ժամանակներում վրեժի սահմանները, ներգործական և կրավորական իմաստներով, տարբեր են եղել, ստրածվելով մինչև ամբողջ տոհմի ընդարձակ սահմանները և սահմանափակվելով ընտանիքի շրջանակներում, բայց պատրոնիմիան այն միջավայրն է եղել, ուր վրիժառությունը մնացել է առավել ներգործուն և կայուն:

Պատրոնիմիայի կյանքում մեծ նշանակություն է ունեցել ավագությունը: Այնպես, ինչպես տոհմում հատուկ նշանակություն է տրվել ավագ պատրոնիմիային, բուն պատրոնիմիայում աչքի է ընկել ավագ ընտանիքը, ըստ որում այդ ընտանիքի ավագը իր դիրքով ամբողջ պատրոնիմիայի ավագն է եղել: Տվյալ հասարակության մեջ նախնադարյուն-համայնական հարաբերությունների քայքայման և դասակարգային կարգերի տարրերի ներթափանցման հետ, նշված ավագությունը միանում է հարստությանը և դասակարգային բնույթ ստանում:

Տոհմային տարամուսնության հետ (էքսոգամ) միաժամանակ տարամուսնական է և պատրոնիմիան: Կովկասի որոշ ժողովուրդների, մասնավորապես Բաղստանի ժողովուրդների մեջ, պատրոնիմիան ընդամուսնական (էն-

դողամ) է եղել: Տվյալ երևույթը վատ է նկարագրված և բոլորովին ուսումնասիրված չէ:

Վերջապես, պատրոնիմիայի հասարակական մոթյունը դրսևորվել է նաև նրանում, որ այն կազմել է համատոհմային և համաժողովրդական աշխարհազորի զինվորական միավորը: Այդ պատրոնիմիկ զինվորական ստորարժանումները ուրիշները կոչել են «առանձին կրակ», ունեցել են տասից հարյուր մարդ և գլխավորվել են առանձին պետերով: Կովկասի այն վայրերում, որտեղ գոյություն են ունեցել ռազմական աշտարակներ, դրանք հաճախ պատկանել են հենց պատրոնիմիային, այնպես որ յուրաքանչյուր պատրոնիմիա ունեցել է իր աշտարակը և գյուղում եղել է նույնքան աշտարակ, որքան պատրոնիմիա: Ինչպես հիշվեց, պատրոնիմիայի շինությունները, ամբողջությամբ վերցված, ճարտարապետական առումով կազմել են միասնական կոմպլեքս և որոշ լեռնային վայրերում, մասնավորապես Լեռնային Դաղստանում, այդ կոմպլեքսը իրենից ներկայացրել է ամրոցի մի տեսակ: Պատրոնիմիայի տների միջև եղած ներքին անցքերը և անցումները, որոնք խաղաղ ժամանակ տնտեսական հաղորդակցման միջոց էին, ռազմական վտանգի դեպքում ծառայել են պատրոնիմիայի ընդհանուր ռազմական աշտարակը անցնելուն: Լեզգիների ազգակցական տները հաճախ միացած են եղել ստորին հարկերի ներքին անցքերով, որն օգնել է համախմբմանը՝ թշնամու հարձակման դեպքում: Քրդերի պատրոնիմիայի տները սահմանազատող պատերում եղել են հատուկ խորշեր, որտեղ պահվել է ընդհանուր զենքը:

Պատրոնիմիայի գաղափարախոսական միասնությունը նախ և առաջ արտահայտվել է նրանով, որ յուրաքանչյուր պատրոնիմիա ունեցել է իր հատուկ անվանումը: Այն կազմվել է տվյալ պատրոնիմիայի նախահոր անձնանունից, պատրոնիմիկ նախածանցի համակցմամբ, որի սկզբնական նշանակությունը, իսկ ընդհանուր կանոնի, եղել է «երեխաներ» կամ «որդիներ»:

Ը տարբերություն տոհմի միշտ առասպելական նախահոր, պատրոնիմիայի նախահայրը լիովին ռեալ և իրական է եղել: Դա եղել է տվյալ պատրոնիմիային սկիզբ դնող այն անձը, որի մասին պահպանվել է սերնդից-սերունդ անցնող հիշողությունը: Երբ առաջանում էր նոր պատրոնիմիա, նա իր ծագումն արդեն սկսում էր նոր նախահորից:

Օսերի պատրոնիմիկ վերջավորությունը եղել է ֆիրքա-ն, կրճատված ձևով՝ րա: Այդպիսով, տվյալ պատրոնիմիայի անունը եղել է, օրինակ, Թուղան-թա կամ Սանաքո-թա: Արխաղների պատրոնիմիկ վերջածանցը եղել է պա-ն կամ իպա-ն, ադիգների՝ կո-ն և այլն: Հենց այդպիսի պատրոնիմիկ վերջածանցներ են վրացական ղվլի-ն, ձև-ն, հայկական յան-ը կամ յանց-ը և այլն: Այդ պատրոնիմիկ անվանումները դարձել են ավելի ընդարձակ տոհմային խմբերի անուններ, իսկ հետագայում վերածվել են արդի իմաստով ազգանվան: Կովկասյան որոշ ժողովուրդների մեջ մարդը միաժամանակ անվանվել է իր պատրոնիմիկ և տոհմական անուններով: Այսպես, շափսուղների մեջ, օրինակ, Չելեզիկոն եղել է տվյալ անձի պատրոնիմիկ անունը, Աշմիզը՝ նրա տոհմական անունը: Խելսուրների մեջ համապատասխան անուններ են եղել, օրինակ, Փիցքելաուրին և Արարուլին: Հարավ-Օսեթիայում տվյալ անձը իր պատրոնիմիկ պատկանելությամբ եղել է, օրինակ, Սարխալթա, իսկ տոհմականում՝ Փլի-թա: Ադիգների մեջ մի տոհմի անդամները միմյանց կոչել են

ունեկոշ, «տան եղբայր», մի պատրոնիմիայի անդամները՝ ունեկոշ բլավ-
«տան մերձավոր եղբայր»:

Կարևոր է նշել, որ ընտանիքը, մասնավորապես մեծ ընտանիքը, չի ու-
նեցել որևէ հատուկ անուն: Մեծ ընտանիքի անդամները ընդհանուր առմամբ
և նրանցից յուրաքանչյուրն առանձնապես, անձնանունից բացի, սկզբնապես
հավանարար ոչ մի կերպ չեն կոչվել և միայն հետագայում առաջացել է ամ-
բողջ ընտանիքի անվանումը հոր կամ պապի անունով, իսկ ավելի ուշ՝ անհա-
տական հայրանունը, որ Կովկասի մի շարք ժողովուրդների մեջ մինչև վերջին
ժամանակներս գոյություն չի ունեցել:

Պատրոնիմիայի անդամների դադափարախոսական կասլը, այնուհետև,
արտահայտվել է նրանց մասնակցությամբ իրենց պատրոնիմիաների առան-
ձին ընտանիքների կյանքին: Այդ մասնակցությունը տեղի է ունեցել առանձ-
նապես այնպիսի իրադարձություններում, ինչպիսիք են ծնունդը, հարսանիքը
և թաղումը: Ընդհանրապես բոլոր աչդպիսի ղեպերում, հասարակական հա-
րաբերություններին համաձայն, պատրոնիմիայի անդամները հանդես էին
գալիս որպես ավելի մերձավոր որոշակի խմբի ազգակիցներ, որոնք ավելի
պարտադիր իրավունքներ ու պարտականություններ ունեին, քան հեռավոր-
ները:

Պատրոնիմիան սերտորեն կապված է եղել նաև պաշտամունքային ընդ-
հանրությամբ: Նա ունեցել է իր ընդհանուր սրբատեղին կամ երկրպագության
փայրն ու առարկաները, հավաքվել է ընդհանուր ծիսական արարողությու-
նների, ուր տվյալ պատրոնիմիայի ոչ-անդամները մուտք գործել չէին կարող-
և այլն: Պատրոնիմիան ունեցել է կամ իր առանձին գերեզմանոցը, կամ ա-
ռանձին տեղամասը համազգայական գերեզմանոցում: Հայերի յուրաքանչյուր
պատրոնիմիկ գերեզմանոցում գտնվել է տվյալ պատրոնիմիայի սուրբ ծառը:
Որոշ ժողովուրդների մեջ տապանաքարերի վրա պատկերվում էր մեռածի պատ-
րոնիմիայի խարանդ:

Պատրոնիմիայի դադափարախոսական, մասնավորապես պաշտամուն-
քային ընդհանրության խնդրում մեծ դեր է խաղացել նրա ավագ կինը:

Կովկասի տարբեր ժողովուրդների մեջ առանձին պատրոնիմիաներ աչքի
էին ընկնում և հռչակված էին հատուկ ընդունակություններով կամ շնորհքնե-
րով՝ որպես իրենց տոհմի պատմության պիտակներ, տոհմային ավանդու-
թյունների պահպանողներ, բնականությունից ստեղծողներ և կատարողներ,
այս կամ այն գործիքով հմուտ նվագողներ և այլն:

Հենց նրանց միջոցով էլ սերնդից-սերունդ, դարից-դար էին փոխանցվում
բանավոր ավանդությունները, հետագայում աղբյուր ու հիմք հանդիսանալով
ժողովուրդների գրավոր պատմության համար:

ПАТРОНИМИЯ У НАРОДОВ КАВКАЗА

Проф. М. О. КОСВЕН (Москва)

(Р е з ю м е)

Патронимией мы назвали архаическую общественную форму, свойственную патриархально-родовому строю и отчасти сохраняющуюся среди сельского населения в классовом обществе. Форма эта представляет собой группу родственных семей, больших или малых, образовавшихся вследствие сегментации или разделения одной большой патриархальной семьи и сохраняющих между собой в различных отношениях хозяйственное, общественное и идеологическое единство.

Патронимия народов Кавказа состояла из либо больших, либо малых, либо тех и других одновременно, семей. На кавказском материале хорошо прослеживается процесс разрастания и разветвления самой патронимии. Отдельные семьи, входившие в патронимию, размножались, разрастались, сегментировались или делились и в результате в свою очередь давали начало патронимиям. Вновь образовавшиеся патронимии по общему правилу жили, сохраняя свое единство, компактно, вместе с тем и не отделялись от старых патронимий, помогая одна другой и пр. Лишь в более поздние времена, и то эпизодически, в особенности с ростом малоземелья, молодые патронимии отделялись и переселялись на свободные места, не теряя все же связи со своими родичами. В результате мы имеем на Кавказе патронимии различного размера и различного состава: меньшие и большие, состоящие сами из нескольких патронимий. Эти патронимии входят, как это иногда более или менее определенно рисуется конкретным материалом, в еще более широкую родственную группу. Такую группу можно бы, говоря теоретически, называть родом. Патронимия принципиально всегда локализована, и она на Кавказе в прошлом обычно занимала отдельное селение или квартал в селении.

Основную черту патронимии составляет ее хозяйственное единство. У народов Кавказа в прошлом земля, видимо, находилась в коллективной собственности патронимии. Некогда и обработка земли производилась коллективно всей патронимией. Со временем коллективное владение землей в пределах патронимии стало распадаться, что сначала коснулось только пахотной земли. Значительно позже стали подвергаться разделу по семьям другие виды земли общепатронимического фонда.

В коллективной собственности патронимии находились домашний скот, фруктовые сады, мельницы, печь для сушки зерна и выпечки хлеба и пр. Экономическое единство патронимии выражалось во взаимопомощи между семьями данной патронимии, что стойко сохранялось в быту всех народов Кавказа даже тогда, когда патронимия испытала уже глубокий распад.

Общественное единство патронимии,— занимала ли она отдельное селение или отдельный квартал,— имело в прошлом весьма реальное выражение и определяло ее солидарность, выражавшуюся в различных формах.

и отношениях. Наряду с родовой экзогамией экзогамна и патронимия, но у некоторых народов Кавказа (в частности, у народов Дагестана) патронимия была эндогамна. Наконец общественная сущность патронимии выражалась в том, что она составляла воинскую единицу общеродового и общенародного ополчения.

Идеологическое единство патронимии имело своим выражением прежде всего то, что каждая патронимия обладала своим особым наименованием и, в отличие от предка рода, всегда легендарного, предок патронимии был вполне реальным и действительным. Идеологическая связь членов патронимии выражалась также в их участии в жизни отдельных семей своей патронимии. Патронимия была теснейшим образом связана и с культовой общностью.